



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones Clementis XII. ab Anno V. usque ad X.

Luxemburgi, 1748

CCLXXVI. Damnatio, & Prohibitio cujusdam folii Gallico idiomate impressi,
cui titulus-Arrest de la Cour du Parlement, portant suppression d'un
Imprimé-Lettres de plusicurs Evèques sur l'obligationn ...

[urn:nbn:de:hbz:466:1-75393](https://nbn-resolving.org/urn:nbn:de:hbz:466:1-75393)

CCLXXVII

Damnatio, & Prohibitio cujusdam folii Gallico idiomate impressi, cui titulus -- *Arrest de la Cour du Parlement, portant suppression d'un Imprimé intitulé - Lettres de plusieurs Evêques sur l'obligation de priver de l'oblation du Sacrifice de la Messe, & des suffrages de l'Eglise ceux, qui meurent appellants de la Constitution Unigenitus.* A Ypres, chez Pierre Jacques Rave Imprimeur de Monseigneur l'Evêque, rue Messine 1739. avec approbation. A Paris, chez Pierre Simon Imprimeur du Parlement, rue de l'Harpe à l'Hercule 1739.

CLEMENS PP. XII.

Ad perpetuam rei memoriam.

Damnatur
Folium, de
quo in Ru-
brica.

CUm, sicut Nobis innotuit, in lucem prodierit quoddam folium Gallico idiomate impressum, cui titulus -- *Arrest de la Cour du Parlement portant suppression d'un Imprimé intitulé - Lettres de plusieurs Evêques sur l'obligation de priver de l'oblation du Sacrifice de la Messe, & des suffrages de l'Eglise ceux, qui meurent appellants de la Constitution Unigenitus.* A Ypres chez Pierre Jacques Rave Imprimeur de Monseigneur l'Evêque, rue Messine 1739. avec approbation. A Paris, chez Pierre Simon Imprimeur du Parlement, rue de l'Harpe à l'Hercule 1739. Hinc est, quod Nos pro commissa Nobis divinitus Gregis Domini cura, Animarum periculis atque detrimentis, quæ ex ejusdem folii lectione, & usu provenire possent, pastorali sollicitudine, quantum cum Domino possumus, occurrere volentes, Motu proprio, ac ex certa scientia, & matura deliberatione nostris, deque Apostolicæ potestatis plenitudine folium supradictum tenore præsentium damnamus, & reprobamus, ac legi, & retineri prohibemus, ipsiusque folii descriptionem, retentionem, lectionem, & usum omnibus, & singulis Christianis fidelibus etiam specificis, & individua mentione, & expressione dignis sub pena Excommunicationis per contrascentes ipso facto absque alia declaratione incurrenda, a qua nemo per quemquam, nisi per Nos, seu Romanum Pontificem pro tempore existentem, præter quam in mortis articulo constitutus, possit absolvi, omnino interdiciamus. Volentes & auctoritate prædicta mandantes, ut quicumque folium hujusmodi penes se habuerint, vel in futurum quodcumque habebunt, illum statim, atque præsentibus Literæ eis innotuerint, locorum Ordinariis, vel hæreticæ pravitatis Inquisitoribus tradere, & consignare teneantur; hi vero folia sibi sic tradita illico flammis aboleri curent. In contrarium facientibus non obstantibus quibuscumque.

Demandata
damnationis
publicatio.

§. 1. Ut autem præsentibus Literæ omnibus facilius innotescant, nec quisquam illarum ignorantiam allegare possit, volumus, & auctoritate prædicta decernimus, illas ad valvas Basilicæ Principis Apostolorum, ac Cancellariæ Apostolicæ, nec non Curie generalis in Monte Citatorio, & in Acie Campi Floræ de Urbe per aliquem ex Curatoribus nostris, ut moris est, publicari, illarumque exempla ibidem affixa relinquere; Sic vero publicatas, omnes, & singulos, quos concernunt, perinde afficere, ac si unicuique illorum personaliter notificata, & intimata fuissent; Ipsarum autem Literarum transumptis, seu exemplis etiam impressis, manu alicujus Notarii publici subscriptis, & Sigillo personæ in Ecclesiastica Dignitate constitutæ munitis eandem prorsus fidem tam in judicio, quam extra illud ubique locorum haberi, quæ haberetur eisdem præsentibus, si exhibitæ forent, vel ostensa.

Dat. die 26.
Januar. 1740.
An. X.

Datum Romæ apud Sanctam Mariam Majoram sub Annulo Piscatoris die 26. Januarii 1740. Pontificatus Nostri Anno X.

D. Card. Passioneus.

Approbatio nonnullarum Resolutionum Congregationis particularis a Ssno deputatæ super Registris in officiis Notariorum Sac. Rotæ Auditorii emanatarum.

CLEMENS EPISCOPUS

Servus Servorum Dei. Ad perpetuam rei memoriam.

Romanus Pontifex providus Justitiæ cultor a Deo constitutus in Terris ex vigili operosæ suæ mentis indagine libenter intendit ad ea, per quæ in quibuslibet Tribunalibus præsertim in causarum Palatii nostri Auditorio Notariorum labor, illorumque merces in ejusdem Justitiæ lance æquo inter se subsistant pondere, & litigantium Jura in eorum officiis fideli ad Judiciorum laudem, & perennem litigantium indemnitate serventur studio, extinctisque litibus, nova non oriatur super litium extinctarum hujusmodi expensis litis occasio, sed Justitia, & charitas in eodem Auditorio, in quo graviores universorum fidelium promoventur causæ veluti in eorundem conclusio hortò invicem inter se prospiciant, & mutuo osculentur amplexu.

§. 1. Cum itaque nos nuper ad submovendas nonnullas inter dilectos filios causarum Palatii nostri Apostolici Notarios ex una, & Casuarum hujusmodi Patronos, & respectivè litigantes ex altera Partibus exortas quæstiones, necnon ad dirimendos nonnullos in eorundem Auditorii hujusmodi Notariorum officiis in illorum, & litigantium præjudicium contra formam, & tenorem Constitutionum, & Decretorum alias pro æquali litigantium, & Notariorum hujusmodi indemnitate a nonnullis Romanis Pontificibus Prædecessoribus nostris emanatarum, & edictorum, quarum, & quorum respectivè tenores præsentibus pro expressis haberi volumus, irreptos abusus, Congregationem particularem duorum S. R. E. Cardinalium, duorumque Romanæ Curie Prælatorum videlicet: Vincentii tunc S. Honuphrii, nunc vero Sancti Petri ad Vincula Petra Penitentiarii Majoris, ac Viscatoris Apostolici super omnibus Tribunalium nostræ Urbis officiis specialibus ad id facultatibus concessis delegati, ac Marcelli S. Mariæ in Araceli respectivè titularum Presbyterorum Passari respectivè nuncupatorum, ac Pro-Auditoris nostri dilectorum filiorum nostrorum, necnon Marcellini Corio tunc nostræ Urbis prædictæ Gubernatoris, & Vice-Camerarii, ac magistri Ludovici Merlini signaturæ nostræ Justitiæ votantis, & in Congregationis prædictæ Secretarium electi dilectorum filiorum, & quoad Marcellinum nunc S. R. E. Cardinalem Corio nuncupatum nostri deputavimus.

§. 2. Et Congregatio prædicta habita sub die vigesima septima Januarii Anno Domini millesimo septuagesimo trigesimo quinto, rematu re discussa, auditisque ad singulas resolutiones tam Notariis Auditorii prædicti, quam dilectis pariter filiis Dominico Jonantonii, & Guglielmo Ricca ex antiquioribus Patronis de Collegio Patronorum causarum Palatii nostri prædicti pro interesse litigantium, & Procuratorum prædictorum de mandato nostro adscitis.

§. 3. Primo videlicet Notarios Auditorii prædicti a consecutione Regestrorum omniflorum ab anno Domini millesimo sexcentesimo septuagesimo primo usque ad diem vigesimam octavam Aprilis anni ejusdem Domini millesimi septingentesimi vigesimi octavi, qua Constitutio fere. Benedicti Papæ XIII. Prædecessoris nostri desuper emanavit absolvendos esse, cum hoc tamen, quod Notarii prædicti propriis eorum sumptibus omnia Jura

CCLXXVII

Proccemium

Ad tollendos
abusus, qui
in variis Tri-
bunalibus irreple-
rant, Congre-
gationem particu-
larem deputatæ Cle-
mens.

Editæ inde
nonnullæ Le-
ges.

Notarii ære
proprio regis-
tris consignare
debent Jura
producta
ab anno 1771.
ad 1728.

producta